

প্রাথমিকের শিক্ষার্থীরা টিফিনে পাবে দুধ-কলা-ডিম

নিজস্ব
প্রতিবেদক

২৩ জুন, ২০২৪
২০:১৫

শেয়ার

অ +

অ -



দুই বছর ধরে বন্ধ আছে প্রাথমিক বিদ্যালয়ে শিক্ষার্থীদের মিড-ডে মিল কর্মসূচি। বিগত সময়ে এই কর্মসূচিতে শিক্ষার্থীদের বিস্কুট দেওয়া হতো। পরে সিদ্ধান্ত আসে, দুপুরে ছাত্র-ছাত্রীদের জন্য খিচুরির ব্যবস্থা করা হবে। সেই সিদ্ধান্ত আর বাস্তবায়ন হয়নি।

তবে আগামী মাস থেকে প্রাথমিক বিদ্যালয়ের শিক্ষার্থীদের টিফিনে রুটি, দুধ, কলা ও ডিম দেওয়া হবে বলে প্রাথমিক ও গণশিক্ষা মন্ত্রণালয় সূত্রে জানা গেছে।

সূত্র জানিয়েছে, বান্দরবান ও কক্সবাজার জেলার বিদ্যালয় দিয়ে এই কর্মসূচি শুরু হচ্ছে। এরপর ধাপে ধাপে সব বিদ্যালয়েই চালু হবে মিড-ডে মিল।

প্রাথমিক ও গণশিক্ষা মন্ত্রণালয়ের সচিব ফরিদ আহাম্মদ বলেন, ‘মিড-ডে মিলে বনরুটি, ডিম, কলা এবং স্থানীয় যে মৌসুমী ফল আছে সেগুলো পাবে।

একটা মডালিটিতে এটা পরিচালিত হবে। ধাপে ধাপে সকল উপজেলায় আমরা এই কর্মসূচি সম্প্রসারণের চেষ্টা করব।’

আরও পড়ুন



ছুটি কমেছে স্কুল-কলেজে, প্রাথমিক বিদ্যালয় খুলবে কবে?

মন্ত্রণালয় সূত্রে জানা গেছে, ১৫০টি উপজেলার ৩৭ লাখ শিক্ষার্থীকে মিড-ডে মিল দেওয়া হবে। প্রকল্পটির জন্য এরই মধ্যে বরাদ্দ দেওয়া হয়েছে ১ হাজার ১৫১ কোটি টাকা।

জুলাই থেকে চালু হচ্ছে কক্সবাজার ও বান্দরবান জেলার ১ হাজার ৯৫টি স্কুলে। এরপর ধাপে ধাপে সব উপজেলায় দেওয়া হবে এই খাবার।